



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.167/2019

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Faton Ademi kryesues, Gyltene Sylejmani dhe Adnan Konushevcu anëtarë, me pjesëmarrjen e zyrtares ligjore Edona Grajçevci, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër koalicionit NISMA/AKR/PD me seli në Prishtinë, për shkak të vendosjes së materialit zgjedhor në hapësira publike, për Zgjedhjet e Parakohshme për Kuvendin e Republikës së Kosovës, që do të mbahen me datë 06.10.2019, në seancën e panelit të mbajtur me datë 04.10.2019, mori këtë:

## V E N D I M

**I. Pranohet** si e bazuar ankesa e subjektit politik Lëvizja Vetëvendosje (LVV), me seli në Prishtinë me Anr. 167/2019 e datës, 01.10.2019, dhe koalicioni NISMA/AKR/, me seli në Prishtinë, për shkak të shkeljes së Kodit të Mirësjelljes për subjektet politike - vendosja e tendave njoftuese me slogane të subjektit politik, për fushatën zgjedhore në rrugë publike – shesh i shqiptohet dënimi më gjorbë në shumë prej 5,100.00 (pesë mijë e njëqind) euro, cilën gjorbë detyrohet ta paguaj në afat prej 15 (pesëmbëdhjetë) ditëve, nga dita e plotfuqishmërisë të këtij vendimi nën **kërcënim të përmbarimit**.

**II. Urdhërohet** koalicioni NISMA/AKR/PD, , që brenda afatit prej 24 orëve, nga pranimi i këtij vendimi, të përmirësoj shkeljen e përcaktuar, si në pikën -I-, të dispozitivit të këtij vendimi, në të kundërtën mund të sanksionohet me dënim shtesë nga PZAP-i.

## A r s y e t i m

Me datën 01.10.2019, Lëvizja Vetëvendosje (LVV), ka paraqitur ankesë në PZAP, në të cilën pretendon se me datë 01.10.2019, aktivistet e Lëvizjes Vetëvendosje, qendra në Lipjan, rreth orës 16:40, në Sheshin TRG. Adem Jashari në qytetin e Lipjanit, kanë vërejtur se aktivistet e koalicionit NISMA/AKR/PD kanë vendosur një “Shtand” dhe disa postera të disa kandidatëve për deputet nga radhët e NISMA/AKR/PD në kundërshtim me dispozitën e nenit 33 pika b) të LZP-së, dhe rregullën zgjedhore 13/2013 të KQZ-së. Në mbështetje të pretendimeve ankimore, paraqitësi i ankesës, ka bashkangjitur disa fotografi të printuara.

Në përgjigjet në ankesë të koalicionit NISMA/AKR/PD, pretendon se shkeljet e pohuara në ankesë pasi që vendosja është bërë me pëlqimin e Komunës së Lipjanit, për vendosjen e shtandës në shesh dhe shfrytëzimin e hapësirës publike. Si provë në mbështetje të

pretendimeve në përgjigje ka bashkangjitur: pëlqimin e përkohshëm të lëshuar nga Kuvendi i Komunës së Lipjanit, Drejtoria e Shërbimeve publike me numër 10-030-64657 i datës 30.09.2019, si dhe fakturën e pagesës me ref: Nr.Ser.3068, metutje theksojnë se subjekti i tyre nuk ka vepruar në kundërshtim me nenin 33 pika b) të LZP-së.

PZAP-i, pasi që shqyrtoj ankesën dhe vlerësimin të shkresave në lëndë vlerësoi se ankesa është e bazuar, për këto arsye:

Paneli nga fotot e ofruara si provë nga parashtruesi i ankesës, të cilat gjendet në shkresat e lëndës, në mënyrë të padyshimtë, ka konstatuar se “Shtandi” dhe disa postera të disa kandidatëve për deputet nga radhët e NISMA/AKR/PD, në Lipjan janë vendosura në sheshin “Adem Jashari” në Komunën e Lipjanit.

Nga dëshmitë e sipërcituara paneli në mënyrë të sigurt ka vërtetuar se nga koalicioni NISMA/AKR/PD, me seli në Lipjan, janë bërë shkeljet e Kodit të Mirësjelljes për Subjekte Politike, Mbështetësit e tyre dhe Kandidatët, nga fakti se, “Shtandi” dhe disa postera të disa kandidatëve për deputet te vendosura në hapësirat publike, paraqesin veprime të sanksionuara me dispozitën e nenit 33 pika b) e LZP-së, e cila përcakton “ *Vendosja e njoftimeve, pllakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve*”..

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se veprimet e koalicionit NISMA/AKR/PD, nuk mund të sanksionohen si shkelje të LZP-së, për arsye se vendosja e tendës në shesh dhe shfrytëzimin e hapësirës publike, është bërë me pëlqimin e Komunës së Lipjanit, vetëm për një ditë data 30.09.2019. Paneli pretendimet e tilla i vlerësoj si të pa bazuara dhe si të tilla i refuzoj pasi që, me këto prova nuk justifikon veprimet që janë të ndaluara dhe në kundërshtim me dispozitat ligjore të Nenit 33 pika b) i LZP-së, si dhe nenit 5 paragrafi 1 pika d) e Rregullës 13/2013, ku parashihet se subjektet e certifikuara politike aktivitetet e tyre zgjedhore duhet t'i bëjnë në pajtueshmëri me Rregullat zgjedhore të Komisionit Qendror Zgjedhor (KQZ). Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit .

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin së koalicioni NISMA/AKR/PD, ka qenë e njoftuar me

obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Po ashtu si rrethanë PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara. Mos ndërmarrja e masave përmirësuese ka ndikuar në lartësinë e gjobës së shqiptuar si në dispozitiv të këtij vendimi .

Paneli konform nenit 120.1 pika a) të LZP-së urdhëroi koalicionin NISMA/AKR/PD që të marrë masa dhe të përmirësoj shkeljet në afatin prej 24 orëve dhe nëse koalicioni NISMA/AKR/PD, nuk vepron sipas urdhrit të panelit do të sanksionohet me dënim shtesë nga PZAP-i , në pajtim me nenin 120.2 të LZP-së.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**

Anr.167/2019 më datën 04.10.2019

**Kryesuesi i Panelit  
Faton Ademi**

*Këshillë Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.*

